

廣平府志

ル 5  
1572  
8



1572  
8



重修廣平府志卷十七

輿地略

風俗

方言

士農工商

趙地薄人眾丈夫相聚游戲悲歌慷慨邯鄲土廣俗雜

大率精急高氣執

前漢書地理志

清河武安等郡其俗頗同人性多樸厚務在農桑好尚  
儒學而傷於遲重俗重氣俠好結朋黨其相赴死生亦

出於仁義

隋書地理志

滏陽勤於營生儉於費用

圖經

燕趙古稱多感慨悲歌之士

唐韓昌黎集

貝州風俗與魏州同地近梁魯微重而矜節太平寰宇記

洺州邯鄲丈夫悲歌慷慨磁州風俗與洺州同同上

性緩尚儒仗氣任俠通典暨文獻通考案通考係統括太行山以東而言

河北路人性質厚少文多專經術大率氣勇尚義號為

強伎臨洺汲郡之地頗雜斥鹵宜於畜牧宋史地理志

人尚節儉地蕃物產方輿勝覽

風俗循美元王士熙善政數記

俗尚勤儉人性質直續圖經

廣平人性質直尚儉約勤稼穡明一統志

廣平畿南劇郡土厚俗純土重然諾先王之遺風猶有

存者廣平府學記

永年舊尚奢侈信巫鬼今漸有古風男子務學力農敦

龐勤儉間有重氣俠尚奢澆者女子事紡績操井日康熙志

志永俗樸宦歸者以炫耀為恥少年衣飾鮮華眾指目

以為笑士人布袍徐行過市市人側臂讓之居無雕牆

曲檻賓筵無山海物然近亦稍侈縣舊志申涵光永年風俗記云永雖附

郭然偏僻非輪蹄所會民皆土著耳目偏狹無壯觀豪

舉驚其間見故俗尚樸鄙所從來舊矣宦而歸者或不

能備字牝即饒囊橐亦外示儉素以炫耀為恥士循循

守繩尺布袍徒行市人側臂讓之所居無雕牆曲檻第

取完固賓筵無山海之錯正襟揖讓雖狎必以儀民務

稼穡無逐末之四方者早辦租賦尊上奉法或務夸毗

衣華組眾指目之以為笑大較然也在畿輔為易治故

歷水旱兵燹受禍獨淺時勢遷流漸為浮薄推厥所由

蓋亦有倡之而盛養之而成者如衣食居處之漸侈當率以儉詩書道喪習為澳恣利端日啟刁詐相尚當率在司風化者日留意焉

曲周務學力農純樸猶昔民多殷富近尚侈靡康熙志地

平土疏人僿而戇樸拙尚氣恥於下人縣志今按勤儉

似唐褊急似魏感慨似燕趙雖拙於謀生而羞言機巧

雖慳於任氣而恥於逢迎猶有古之遺意云縣新志

肥鄉俗尚勤儉士習詩書民務耕業康熙志其俗好義其

人甚果賈不遠行粟不久積舊志

雞澤男力耕稼女勤織紝士知向學康熙志耕耨罔怠刀

尺相聞勤儉幾與唐魏等縣志教諭賀家駿風俗記

會百里內星夜奔赴婦女有於神前閉目舞蹈擊鼓踏歌曰打善鼓俗呼其人為善友民間有疾病者邀至其家擊鐘磬焚楮幣奉香拜祝晝夜如狂此亦惡習之難挽者雞南地宜綿花時輒數日一摘秋晚遺之以利寡婦盈陌連阡羣譁然相掇拾曰亂花一日闕花衣服尚樸自泰西布流行漸就紛華然用帛者猶罕飲食俗嗜耕牛市廛闐肉若林細民爭啖之蓋習俗使然莫或移易邇來濱河居民喜蒔罌粟重有所獲而食者且多殆利害乘除之故歟

廣平風俗雄勁矜氣節敦禮讓務本業多畜牧康熙志丈

夫相聚悲歌慷慨而頑鈍鄙吝好訟長姦者間亦有之

縣志區宇

邯鄲民尚往來重然諾不受面詆其性激烈康熙志

秀朗人物軒昂大家借以為姓如邯鄲清之類高人慕以為名

如李邯縣志賦傳散騎客號平原意氣文章俱可想見縣志  
土狹而瘠邑敝而衝通志引

成安民俗勤儉士向知學康熙志民俗殷富人性澆悍舊志

以今觀之大都勤儉直率士讀書農巧拙居半商通齊

衛陶濮邇來人情日澆頽風漸長縣志

威縣風俗淳美務農力學康熙志衣冠禮儀為鄰邑首稱

縣志

清河俗稱敦龐勤儉戶習詩書婚姻喪葬相為救恤頗

近古風康熙志清河以平干尾邑僻處河濱壤接山東地

多斥鹵惟儉樸之習遠過鄰封清河舊志序今則士人雅習

禮讓顧猶多俠氣死生相赴有古慷慨之遺焉縣志

磁州土濁人稀習尚敦厚雅重儒術頗有古風舊志引

磁之為郡民素敦愿良吏治之則必事集盧明理志土地

多沙謙澆薄而齊民知耕稅糧以時辦納道路雖云衝

劇重勞不厭州志

### 冠婚喪祭

冠禮久廢明嘉靖間知府蔣以忠刊家禮四要行之士

大夫家偶具牲醴酬祖考鮮有舉三加之儀者永年志

凡男子自十六至二十皆可冠將冠筮日筮賓戒賓至

期主人肅賓行三加禮各有祝辭祝畢進冠者而字之

冠禮久廢然婚禮之中實寓古冠禮之意具衣冠習禮儀童子當此儼然有成人風同上

婚初男請媒二人具衣冠往謁女家投遞婚啟曰登門亦曰換庚帖次婚家互招飲宴男先女後曰會親男家

以彩幣牲果鼓吹送女家曰聘定筵席近多不用鼓吹俗日送書女答

男日同書逾日女家具巾服脯果近多用靴帽衣料書視筆墨文玩鼓吹往

男家曰回禮瀕娶復行納采禮如前女家不復酬婚前

一日婿具醴果往女家曰通道路是日女家行過妝禮

亦有先期舉行者曰鋪牀詰辰盛張鼓樂親迎以長者

導之謂之領親男家遣婦女具吉服往催妝曰娶女客

女家遣送曰送女客

案此禮多不行惟磁州曲周間有之

新婦入門以姻

戚婦一人具婦飾冠簪加新婦笄日上頭女家兄弟親

戚送至男家謂之送親次日婿以酒果行謝親禮三日

婦謁祠堂拜舅姑上女工女家具衣飾鼓樂導送男家

日追三邀女眷往婿家曰餽飯迎女及婿歸宿婦家曰

回面亦曰回門九日亦如之娶後四時餽花幣脯果男

家交送曰追節婚必擇吉惟祀竈日至除夕不忌曰亂

歲貧家有因喪事女來弔而遂留娶者日孝扶有乳臭畜之者日童養士大夫家皆不行此舊志參縣志

喪者先用布帛送姻家報訃成服後開弔散孝三日內

姻戚餽食於喪側曰倒頭飯民間始喪未斂子婦並婦

女城內婦女不押紙於外薄暮沿街擗踊號哭在城至

晚間聚哭於死者之旁

城隍廟在村至土地廟曰押紙士紳家無之立告布於門書死者職銜字諱生卒歲月柩前立銘旌門外懸紙旛柩前設布幔置靈座男女在柩左右髣髴苦跣日三奠七七日百日奠有加將葬書期於門親友具賻奠送銘旌柩出楮旛鼓吹前導經親友門迎奠日邀祭親友送至城外或至墳墓請有爵者祀土題木主葬畢奉木主鼓樂導歸至家虞祭姻家餽孝子孝婦以布帛曰收頭次日孝子詣弔客大門親拜居城外者不往三日男女孝婦省墓謂之圓墳焚紙錢盡哀而返葬不甚重風水無久

停不葬者士大夫家不用僧道作佛事

間有用俳優歌舞者名曰煖靈

亦曰煖扮士紳家無之幼婦死不令入墓寄厝塋後夫死後乃令合葬

舊志參縣志

祭禮士大夫家多奉先世神主於寢間有立家廟者或畫祖考像於軸懸之除夕元旦令節家家設供致祭歲時行墓祭禮寒食添土墓顛挂楮錢五月薦新麥謂之簡湯七月十五日獻麻谷十月一日製紙衣送墓間曰送寒衣亡者生辰忌日亦墓祭遇婚娶登科告祭於墓曰祭祖遇親友喪事送饅首麵果或用麵三五斤蒸如緯帽形者曰大飯加饌食雞魚肉等物曰全祭

案古無墓祭之文封植始於孔子唐開元初敕寒食

上墓祭或始於此又案太平寰宇記洺州風俗引隋圖經云今趙氏數百家每有祭祀別設位以祭公孫杵曰及程嬰二氏歷代相傳號曰祀客今之風俗久無此祭云

時令

春正月元旦長幼夙興天地祖先前焚香設供燃爆竹照倫序拜尊長畢食餃餌親友交相賀歲數日乃罷

舊志參縣

立春日民間喫春餅蘿蔔曰敲春小兒鑽土牛云能稀豆以勾芒神鞋占晴雨

同上

人日凡正月之日一雞二狗三豕四羊五馬六牛七人八穀其占晴為祥陰為災俗煎餅食於庭中謂之薰天

遼史參縣志案北齊書魏收傳晉董勛答問禮俗作五日為牛六日為馬

十五日曰上元廟宇設席棚盛張燈彩街衢懸燈剪綵作春聯飄搖空際十三日謂之試燈十七日謂之殘燈上元夕祀祖先祀神以麵為小燈遍置門竈廚牖間曰散燈又以江米作丸食之曰元宵門首挂燈燃爆竹放花礮為樂間有龍獅各燈遊船太平車各雜技遊戲十六日男婦走觀曰走百病

舊志暨縣志參採訪

二月二日俗呼為龍擡頭土人以水和麵如粥置油於



釜熟食之名曰煎餅薰蝎兒童郊外放紙鳶二十五日  
早晨庭中用灰作圈中置五穀少許或置錢數枚沿村  
爆竹相聞名曰打囤清威二縣時有之

三月三日男女上山進香名曰朝西頂絡繹於途數日  
不絕

清明日具酒醴香楮赴壟祭奠名曰上墳又插柳枝於  
門以順節氣

夏五月端陽門插艾兒帶五色綵索塗雄黃於髮際耳  
鼻帶香囊於項下親友餽角黍飲雄黃菖蒲酒嫁女之  
家餽加竹枕涼蓆等物

六月六日曝書畫衣服

七月七日兒女設瓜果於庭前穿鍼乞巧

十五日農人挂紙錢田畔謂之挂地頭錢上墳祭掃采  
麻穀供祖先蒸麩羊餽外孫曰送羊蓋取羊羔跪乳  
之意教以孝也

八月中秋餽月餅西瓜及諸果晚置酒庭中對月飲之  
日賞月一曰圓月女歸甯是日必返其夫家曰團圓節

九月九日用棗蒸麩糕曰花糕親友相邀登高賞菊  
十月朔日祭墳墓

冬至日行釋菜 先師禮懸像或設主師生以次肅拜  
奠獻畢弟子拜先生窗友交拜謂之拜冬

十二月八日雜米豆棗果煑粥名曰臘八粥

二十三日以糖劑餅黍糕棗栗胡桃炒豆祀竈君以糟

草秣竈君馬謂竈君翌日朝天去白家間一歲事各致

祝辭

除夕易門神換桃符貼春聯陳祀儀燃爆竹焚香徹夜

閤家飲宴歡樂曰守歲俱同上

以上風俗

古方言

慧趙魏之間謂之黠或謂之見楊子方言一

案廣雅黠鬼慧也今土人呼人之靈黠者曰鬼郭璞

方言注曰今名黠為鬼觚詩為鬼為蜮亦此義

嫵好也凡好而輕者趙魏之間曰姝或曰姝同上

案廣雅嫵姝好也羸羸容也嫵與羸同字又通作盈

古詩盈盈樓上女謂嫵好也郭璞云姝言姝容也姝

與丰同詩毛傳曰丰豐滿也廣韻丰茸美也今土人

譏女之淫美者曰姝即古方言之遺廣雅姝好也女

之美者曰姝詩邶風靜女其姝是也士之美者亦曰

姝詩鄘風彼姝者子是也

媠欲也趙曰媠楊子方言六

案以我所欲強人之從則曰媠今人語猶然說文媠

嗾犬厲之也獎勸之意即從此出

悽哀也趙魏之間曰悽楊子方言一

案悽憐一聲之轉今土人呼人之可哀者皆曰可憐

趙魏之間慙謂之恥楊子方言六

案恥梅聲廣雅梅恥慙也

祛摸去也趙之總語也祛摸猶言持去也同上

案廣雅祛莫去也摸與莫通今北人謂手捫物者皆

曰摸摸或作祛祛今民間失物亦曰摸去與持去之

義相通

鐫琢也趙謂之鐫楊子方言二

案說文鐫穿木鐫也一曰琢石也今北人呼刻石者

為鐫刻金銀者亦曰鐫

鈇斲也趙謂之鈇鈇同上

案鈇亦作鈇鈇音霹漢書藝文志鈇鈇斲亂顏師古

曰鈇破也今土人破木猶曰鈇蓋與劈同義也

趙魏之間火熟曰爛氣熟曰糲久熟曰酉穀熟曰酷熟

其通語也楊子方言一

案廣雅爛饍酷酉熟也土虞禮饍爨在東壁鄭注曰

炊黍稷曰饍饍糲同字糲與酷亦通玉篇糲禾大熟

也今土人凡肉熟者曰爛久而稠者曰酉周官酒正

二日管酒鄭注曰管酒今之酋久白酒

燕趙之間言圍大謂之豐方言

案豐通作豐廣雅豐大也說文豐豆之豐滿者圍大

即取豐滿之義

攔梗猛也魏曰攔趙曰梗同上

案小爾雅曰攔忿也楚詞王逸注梗強也忿強皆與

猛義近梗亦通作鯁

縣施也趙曰縣方言

案說文縣縣微也縣連不絕之義與施義近縣所以覆人故郭璞曰緡縣相覆及之名也緡縣聲轉而通

佻縣也趙魏之間曰佻燕趙之郊縣物於臺之上謂之

佻方言

案郭璞注了佻縣物兒丁小反王念孫曰今俗語謂

縣物為弔聲相近也今土人謂舉於上為佻懸於上

為弔

稅舍車也趙魏之間謂之稅同上

案爾雅稅舍也郭璞方言注稅猶脫也舍宜音寫晉

書潘岳傳曰發榻寫鞍皆有所憇寫與卸音義同說

文卸舍車解馬也今土人皆言卸

趙魏之東實寔同聲詩韓奕

案玉篇寔時弋切是也實時質切不空也兩字音義皆別詩小星寔命不同韓詩作實觀禮伯父實來鄭注曰今文作寔古讀同聲故通借之今北人猶讀如一音

北人以庶為成以如為儒以紫為姊以洽為狎顏氏家訓音辭

案庶成同母如儒同母紫姊同母洽狎同母今土人讀此數字猶如顏所云

冀州凡水大小皆謂之河漢書司馬相如傳注引文類

案水經河水注引春秋說題辭云河之為言荷也今

土人凡水通名曰河古則專指黃河而言

北方多種蕎麥磨而為麵作湯餅謂之河漏王禎農書

案蕎麥土人呼為稜子河漏呼為河洛說鈴曰山東以蕎麥作麵食曰河洛向不辨其何字唐書明皇以鹿血煎酪賜安祿山曰熱洛河字似本此河洛有牀形如鋤草刀牀下有圓孔麵由此漏入釜中即名河漏蕎麥麵者尤修美

畢羅今北人呼為波波潛確類書

案玉篇饌饌餅屬用麵為之中有餡資暇集畢氏羅氏好食此味因名西陽雜俎有人夢入畢羅店及醒

店子曰郎君與客食畢羅二斤何不計直而去即餽  
鑼也波即畢羅之合聲波磨疊韻字故或呼為磨磨  
今順天人稱波波畿南人稱磨磨

爹北方人呼父 廣韻三十三寄

案南史梁始興王憺傳詔徵還朝人歌曰始興王人  
之爹赴人急如火何時復來哺乳我爹之稱始此  
今土人呼父多稱爹者但俗轉為平音耳

甬趙魏之間謂之梟 方言五

案釋名鋪插也插地起土也鋪即甬之別字廣雅梟  
甬也新序魏王將起中天臺許綰負操鋪入梟操同

榻前几趙魏之間謂之梳几其高者謂之虞 同上

案廣雅虞彫几也彫與梳同鹽鐵論牀移之案移即

梳字

劍削燕趙之間謂之室 方言九

案說文削鞞也玉篇削所以貯刀劍刃釋名刀其室  
曰削削峭也其形峭殺裹刀體也字或作鞘鞘小爾  
雅廣器刃之削謂之室室謂之鞞今人通謂之削或  
曰庫

鞞軟鍊鑄也趙魏之間曰鍊鑄 同上

案鍊即鑄字說文鑄車軸鐵也釋名鑄間也閒釘軸

之間使不相摩也軸貫轂中轂轉則與軸相摩而轂中有釘恐掣其軸故以鋼裹軸使不受釘摩也今北人通呼曰鋼轄鋼音近軟縮音轉也

羅車趙魏之間謂之輓輓車方言五

案說文羅著絲於筭車也六書故云筭車紡車也著絲於筵著筵於車踏而轉之所謂紡也玉篇羅車亦名鼓車亦名軌車廣雅羅車謂之麻鹿麻鹿即輓輓也

黍北人呼為黃米羣芳譜穀類

案說文黍禾屬而黏者也以大暑而種故謂之黍齊

民要術引汜勝之書云黍者暑也種必以暑黍糜同以黏與不黏分之蘇頌圖經黍之黏者為秫北人謂為黃米亦曰黃糯本草綱目穀部秫北人呼為黃糯亦曰黃米按此皆誤也天下人呼高粱為秫秫呼其稽為秫稽古今相同無稱黃米為秫者盛百二曰黍穗散稷穗專黍稷短稷穠長稷黏者少黍黏者多程瑤田九穀考以黃米屬糜亦非也

粟北人謂之小米本草綱目穀部

案說文禾嘉穀也稟嘉穀實也孔子曰稟之為言續也米稟實也象禾實之形梁米名也今土人稱稻米

為大米粟為小米

楊柳北人都不言楊本草拾遺

案說文楊木也柳小楊也藝文類聚初學記俱引說文作楊蒲柳也與爾雅同詩楊柳依依亦以楊柳為一種今案柳有二種一種枝條上聳而短人通謂之柳一種枝條下垂而長人謂之垂楊柳

蠶燕趙之間謂之蠓螭其小者謂之蠓螭或謂之蚰蛻其大而蜜者謂之壺蠶方言十一

案說文蠶飛蟲螫人者蠓螭取其聲廣雅蠃螭也蚰蛻蛻土蜂蠓螭也蠃螭同字蠃蚰蛻皆語聲之轉郭

璞曰蠓螭小細腰今按其狀腰細如鍼黑黃色俗通呼之為小土蜂壺蠶即爾雅之木蠶郭注云今黑蠶穿竹木作空亦有蜜者或呼笛師楚辭所謂元蜂若壺是也郝懿行曰今呼瓠瓠蜂

今方言

今北人呼虹為絳沈濤銅熨斗齋隨筆八

案沈濤云世皆知霓字有入聲而不知虹字有去聲元稹送客遊嶺南詩水面皮疑縠山頭虹似巾自注云虹音近絳案廣韻四絳虹古巷切今土人皆呼虹為絳



宋石幢稱大父耶耶北人猶有此稱

十駕齋養新錄

案永清信安鎮龍泉寺有金大定三年碑其文有王

孝子耶耶之文錢大昕云當謂其大父也今土人稱

祖父皆曰耶耶

蜀秫高至丈餘北人謂之高梁

張爾歧蒿菴閒話

案高粱今亦謂之紅梁其楷仍呼為秫楷俗曰隔檔

子可供爨可編為箔

今北方人謂禾莖曰秆草以飼馬牛

廣雅疏證釋草

案說文稗禾莖也春秋傳曰或投一秉桿或從干作

秆今本左傳作秆杜預注曰秆稟也王念孫曰秆之

言幹也禾之幹也今土人皆呼秆草

臨洺取黃瓜之細長者陰乾嚼之有聲名响瓜

舊志

案黃瓜即胡瓜响瓜取其聲也今稱為洺瓜干

蓬北人今呼埽埽菜又呼為刺蓬

程瑤田九穀考

案爾雅莽馬帚莽蓬一聲之轉此草莖圓疏勁葉可

食莖可作帚或呼為刺蓬科

蝟之名不一北人通謂之蝟

畿輔通志

案蝟蝟疊韻廣雅曰蝟結蟬也郭璞注方言云蝟音

技蓋蝟結蝟聲之轉蝟蝟二字如呼其聲

蟋蟀今北人謂之屈屈

同上

案爾雅蟋蟀蝻郭璞注曰今促織也爾雅義疏云今順天人謂之趨趨案屈屈趨趨卽蝻之轉音亦卽促織之合聲也

附土語

稱父爲爹稱母爲孃稱祖爲爺爺稱祖母爲奶奶老爺稱外祖也姥姥稱外祖母也呼兄曰哥哥呼弟曰兄弟呼姊曰姐姐妹曰妹妹呼女曰閨妮呼兒曰小子舅曰公公姑曰婆婆姑性惡謂之擣夫弟曰小叔子夫兄曰大伯子妻父曰丈人妻母曰丈母妻兄曰大舅妻弟曰小舅兩婿相謂爲調串亦曰連襟稱先輩爲先生後輩

爲相公同人呼甫字皆加以老月日月亮雹曰冷子黎明日冷明亦曰撲明暮曰擦黑夜曰黑夜昨日曰夜隔突如其來曰猛不防亦曰不徐顧無端而來曰憑空亦曰平白兩不相涉曰犯不著無礙曰不相干是人言曰可不是手拂物曰摸拉以手析物曰撕開爽快曰鏗利遲緩曰磨蹭人不潔曰邈邈物不潔曰腌臢修理曰整治口角曰吵逃走曰跑追謂之蹶罵人曰捲曰抉褻語曰撤村富曰便家曰財主貧曰窮吝嗇曰夾榆頭無賴人曰無二鬼飲水曰飲釀錢飲酒曰打平火四友齋叢話曰打瓶夥蓋卽此也婦再醮曰擡身亦曰改嫁女繼室曰填房亦曰

補後雇工人曰做活亦曰覓漢彼處曰那裏此處曰這裏說甚麼曰煞做煞猶云作何事不恁著言無妨也這克恁著言無可如何也囤曰圈畚曰籬頭車轆曰梯駕車曰套車門上鈕鼻曰達料牡驢曰叫驢牝驢曰草驢雄雞曰公雞雌雞曰草雞禽獸尾曰已巴蝗謂之螞蚱蜻蜓謂之麻麻疙疸雄者為真牡雌者為單單

重修廣平府志卷十八

輿地略 物產

穀屬

麥金也金旺而生火旺而死秋種厚蕪故謂之麥 說文北

方地燥冬多雪春少雨麥晝花薄皮多麩食之陳者

更良 羣芳譜 蘇頌曰小麥具四時中和之氣故為五穀

之貴 本草綱目 小麥分直麥糙麥春麥三種春麥種者少

磁州志

麩來麩麥也 說文 大麥也 廣韻 一曰春麥 玉篇 莖葉與小麥相

似但莖微粗葉微大色深青而外如白粉芒長殼與

粒相黏未易脫

羣芳譜

仁可作飯生芽作餈

畿輔通志

蕎麥莖弱而翹然易長易收磨麩如麥故曰蕎北人作煎餅及餅餌日用以供常食農人以為禦冬之具

羣芳譜

稻有秈有糯北方以為佳品北方地平惟澤土宜旱稻

羣芳譜

永年瀕滏河十三村皆種稻田磁州東西二間

稻田尤多

採訪冊

稻宜渠田旱稻種者少糯米供釀磁

人止知作角黍種者亦少

磁州志

黍秬黑黍秠一糝二米冀州其穀宜黍

周禮職方

以大暑而

種故謂之黍

說文

有赤黍黑黍黏者別名秠北人謂黃

米亦謂之黃糯

爾雅翼

白黍供釀麩黍供食四月種七

月穫

磁州志

稷李時珍曰稷與黍一類二種黏者為黍不黏者為稷

稷可作飯黍可釀酒猶稻之有粳與糯也其色有赤

白黃黑數種北方地寒種之有補

本草綱目

廣郡黃白二

種最多

採訪冊

粟北方水土深厚窖地而藏可數十年不壞

周禮地官注

粟

嘉穀實也

說文

李時珍曰穗大而芒長粒粗者為梁穗

小而芒短粒細者為粟有青黃白黑數色

本草綱目

案今黃

多者北方直名之曰穀今因之脫殼則謂之米亦曰小

米北人日用不可缺者羣芳譜又一種晚種早熟俗名

六十日還倉者早歲多種之採訪冊

蜀黍一作紅白二種俗呼高粱在北方地不宜麥禾者

乃種尤宜下地農政全書春日早種得子多秋收莖粗高

丈餘莖可織箔編席夾籬供爨稍可作帚殼浸水色

紅可以紅酒有利於民者最溥羣芳譜

玉蜀黍又作玉米農政全書粒如芡實大而瑩白羣芳譜李時

珍曰其苗俱似蜀黍而肥矮亦似薏苡高三四尺六

七月開花成穗苗心別出一苞上出白鬚垂垂久則

苞折子出本草綱目

稗禾別也說文有二種一黃白一紫黑紫黑者苞有毛北

人呼為烏禾爾雅翼野生苗葉似糝子子如黍用與糝

子同羣芳譜

脂麻中國有四稜六稜者外國得八稜黑麻種又名胡

麻一名巨勝即黑芝麻也素問經李時珍曰胡麻即芝

麻也寇宗奭曰以其種來自大宛故名胡麻胡地所

出者皆肥大其紋鵲其色紫黑取油亦多本草綱目今本

地取油以白色為佳赤紫次之採訪冊

菽眾豆之總名物理論北方其地宜菽淮南子天文訓戎菽大豆

也爾雅有黑白黃褐青斑數種千金翼方黑豆中最細者曰

槽豆亦曰料豆北方以飼馬農政全書

小豆一名赤豆一名紅豆夏至後種色赤黯而緊小者

入藥羣芳譜

綠豆一作紫以色名也圓小者佳大者名植豆功用頗同

羣芳譜性涼色綠本草四月種秋開小白花莢長二三寸

可解諸物之毒農書

豌豆今北土多有之百穀中最為先登磨為麩甚白膩

正字通苗生柔軟宛宛然故有是名羣芳譜

黃豆有大小二種種植忌壬子日可食可醬可豉可油

可腐油滓可糞地葉名藿嫩時可為茹農書

脾豆扁豆也通雅一名蛾眉豆一名沿籬豆人家多種之

籬邊或以竹木架起狀如小蛾莢生花下又有龍爪

虎爪之類羣芳譜有紅白二種一名羊眼豆以莢似羊

眼故名本草綱目

蠶豆利比於豌豆之利十倍農政全書與豌豆同時種而形

性迥別以莢似老蠶故名羣芳譜

舜躡卽豇豆李時珍曰紅色居多莢必雙生故有舜躡

之名本草綱目一種蔓長丈餘一種蔓短懸架則繁嫩時

充蔬老則收子可穀可果取用甚多羣芳譜有青紫黑

三種通志白者名狸豆一名黎豆又名虎豆黎黑

色採訪冊

刀豆又名挾劍豆人家多種之蔓引一二丈六七月開紫花結莢長者近尺微似皂莢羣芳譜

蔬屬

韭正月園中見韭夏小正菜一種而久者謂之韭說文李時

珍曰北人至冬移根於土窖中培以馬屎暖則長高

可尺許不見風日其葉黃嫩謂之韭黃本草綱目

菘古為葵晉以來為菘秋末晚菘即白菜也通雅燕趙所

種者最肥大而厚一本有重十餘斤者北方人多入

窖內羣芳譜極為脆美其細者為箭幹白又太倉白出

廣府畿輔通志今俗呼曰白菜園最多採訪冊

芥一名臘菜其氣辛粹有介然之義又可過冬也羣芳譜

其子磨為麪名芥末採訪冊

芹楚葵也說文水菜也詩鄭箋一名水英爾雅潔白而有節

其氣芬芳埤雅

同蒿似白蒿甘美滑膩最為佳品羣芳譜

山藥其子散綴莖旁大小不一名零餘子霜後收噉味

亦甘滑益人至冬掘根以白而扁者為上尤宜養老

畿輔通志俗名山藥豆採訪冊

案本草名山芋圖經名薯蕷唐代宗諱預改為薯

藥宋英宗諱署改為山藥久服延年益壽又有一

種菜山藥內外白色食之健脾本境此類尤多

蔓菁南北通有之北土種之尤多爾雅趙魏之交謂之

火芥其小者謂之辛芥或謂之幽芥其紫花者謂之

蘆菔方陳藏器曰燕菁北人名蔓荊本草綱目一名諸葛

菜此菜北方甚多羣芳譜

萵苣出倭國有紫白二色食之能固齒遜齋莖如筍俗

呼萵筍通志幾輔

蘿蔔一名萊菔一名紫花菘處處有之北土尤多狀有

長圓二類根有紅白二色根葉皆可生可熟可菹可

齏可醬可豉可糖可醋可臘可飯羣芳譜旱蘿蔔色紅

形圓而大通志幾輔

水蘿蔔形圓而細長根葉俱淡脆無辛穉氣亦有大如

臂長七八寸者羣芳譜

胡蘿蔔有赤黃二種長五六寸大者盈握元時來自虜

中故名同上外細內黃味甘八月下種冬月收根生熟

可啖通志幾輔

蒼蓮熟食良微作土氣羣芳譜一名蒸菜通志幾輔根狀類

茄蓮以火煨之味甜美飲膳正要

蔥一名芘空中也諸物皆宜故曰菜伯和事羣芳譜



蒜葉如蘭莖如蔥根如水仙味辛處處有之而北土以

為常食同李時珍曰山蒜石蒜澤蒜同一物但分生

不同本草綱目

案今本境生於水田者多蓋澤蒜也

荳一作芫荳一名香荳一名胡荳畿輔通志根軟而白多鬚

綏綏然故謂之荳張騫得種於西域故名胡荳後因

石勒諱改作香荳羣芳譜

茄落蘇也本草有紫青白三種北人以為常食羣芳譜性寒

滑多食腹痛下痢女人傷子宮生生經今本境形圓而

色紫者多採訪冊

土芋陳藏器曰蔓生葉如豆其根圓如卵本草綱目一種紅

者名紅薯白者名白薯紫皮白肉亦有黃肉者味甘

質甚膩潤葉充蔬採訪冊

黃花茶一名金鍼味甚美一名綠蔥通志

莧李時珍曰北人呼為糠莧柔莖細葉生於水邊味甘比

家莧更勝韓保昇曰莧凡六種赤莧白莧人莧紫莧

五色莧馬莧也本草綱目

苜蓿李時珍曰原出大宛張騫帶入中國本草綱目葉似豌豆

豆紫花三晉為盛齊魯次之燕趙又次之廣羣芳譜六月

種嫩苗雜麩蒸食芟葉以飼馬磁州志

苦菜一名苦苣一名天香菜處處有之但在北方者至

冬卽凋羣芳譜詩誰謂茶苦卽苦菜也俗名曲曲菜陸隴

其茶

菠茶本名菠稜一名波斯草出西域頗陵國北人以爲

常食春月出臺嫩而且美春暮臺漸老沸湯晾過曬

乾備用甚佳誠四時可用之菜也羣芳譜俗名青菜採訪

冊正二月種可備春蔬畿輔通志

灰藿一名灰條菜一名金鎖天原野處處有之羣芳譜

蒲筍蒲草之根色白嫩可食採訪

藕荷芙蕖其根藕爾雅釋草藕生應月閏月多一節博物志今

郡城池中及磁州城池中最多採訪三月種八月後取

作蔬用或製爲粉磁州志

胡瓜陳藏器曰北人避石勒諱改呼黃瓜至今因之本草

綱目種之火室中逼生花葉二月初卽結小實學圃餘蔬

越瓜一名菜瓜一名捎瓜北方名苦瓜色青質脆可生

食苦者可作菹較黃瓜頗粗色綠而黑縱有白紋界

之羣芳譜

南瓜附地蔓生結實形圓而堅扁色黃有白紋界之微

凹不可生食羣芳譜李時珍曰種出南番本草綱目

案羣芳譜所敘形狀卽今俗所稱之北瓜

倭瓜一名北瓜似南瓜而形長畿輔通志

案北瓜名倭瓜名實相符但形長者少又一種形

如倭瓜而兩層色半綠半黃名曰看瓜不能食

冬瓜馬志曰此瓜經霜後皮上白如粉塗本草綱目其形長

巨其色深青採訪冊

絞瓜形似甜瓜微破其皮以箸絞之肉成絲條故名絞

瓜採訪冊

絲瓜可熟食不可生食齊民要術俗名天絡嫩時充蔬老則

筋絡如織可滌器畿輔通志

瓠匏也說文俗名壺蘆可食畿輔通志蔓生莖長須架起結

實圓正大小數種有大如盆盃者有小如拳者有柄

長數寸者有中作亞腰者羣芳譜有苦者味如膽不可

食陶氏貞白說

案瓠子別有一種似王瓜而肥壯澤潤人多食之

名雖同而用大異

青椒俗名蕪椒麥後栽種秋結角甚繁有細而長者有

圓而粗者紅青二色最多雞澤志

銀條菜根在土中色白細而長苗葉似纓絡採訪冊

果屬

桃五木之精仙木也典術桃多毛臧治令青滑如膽禮記疏

銀桃味最佳絡絲桃紅白編間金桃色紅畿輔通志

李北方一種御黃李形大兩肉厚核小甘香而美農書李

五種紫李綠李黃李麝香李盤山李客燕雜記今本境紫

色者多採訪冊

杏實味香於梅而酸不及核與肉自相離格物叢話北方肉

杏甚佳赤大而扁謂之金剛拳農書杏仁皆味苦有一

種甘者名巴旦杏或謂之八達杏長安客話

榴張騫使西域還得安石榴博物志若榴石榴也丹實垂

垂若贅瘤也博雅一名丹若古今注有酸甜二種又有開

花不結實者曰千瓣粉紅千瓣白黃千瓣大紅中心

花瓣如起樓臺謂之重臺石榴遵生八牋暨採訪冊

梨北地處處有之二月開白花如雪上巳日無風則結

梨必佳羣芳譜李時珍曰好梨皆產於北土今北人每

於樹上包裹過冬乃摘本草綱目一種名罐梨味甘而小

一種名山梨亦作酸梨俗曰杜梨又一種形小而味

澀置隱處培之則縣而沙俗曰糖梨畿輔通志兼採訪冊

核桃即羌桃一名胡桃北方多種之以殼薄仁肥者為

佳羣芳譜胡桃生北土本草綱目北果而宜山種學圃餘蔬今平

地亦有種者邯鄲磁州山內種者多採訪冊

櫻桃結子一枝數十顆圓如珊瑚極大如彈丸密葉圓

有尖及細齒羣芳譜有赤白二種白者難得畿輔通志

蘋婆出北地燕趙者尤佳葉似林禽而大果如梨而圓

滑羣芳譜味雖平淡夜置枕邊有香氣采蘭雜志

林檎一名來禽一名文郎果此果味甜能來眾禽故名

唐高宗時紀王李謹得五色果似朱柰以貢帝大悅

賜爵文林郎因呼為文林郎果羣芳譜俗曰花紅以色

名也採訪冊

沙果繇而沙者曰沙果又楸子似沙果而小畿輔通志

檳子一名虎喇檳似蘋婆而小色紅紫同上

柿赤實果說文柿有七絕一壽二多陰三無鳥巢四無蟲

蠹五霜葉可玩六佳實可啖七落葉肥大可以臨書

爾雅翼

棗棘實謂之棗小爾雅大者棗小者棘並束為棘重束為

棗棗性重喬棘則低矣埤雅南棗堅燥不如北方棗肥

大農書本境有圓粗者曰彈棗圓長者曰馬牙棗圓小

而酥者曰靈棗採訪冊實酸者為楸棘亦名酸棗詩話

柰有青白赤三種廣韻陶宏景曰江南雖有而北方最豐

作脯食之本草綱目

葡萄別錄曰甘美可作酒本草綱目北方天寒初冬裹埋地

下尺餘春分後取出臥置地上數日然後架起子生

去繁葉使霑風露則結子肥大羣芳譜結實有白者綠

者長如馬乳者又一種大葡萄中間有小者名領孫

又一種小者名瑣瑣葡萄雖殊食皆甘美大約其性

於北方沙石水土相宜御製文集山葡萄紫黑色味

酸畿輔通志文官果形如無花果肉味如栗五月成熟畿輔通志北方

有文官果如小栗之乍乳而加嫩似蓮實之初目而

尤甘閩小紀無花果狀類小梨中空既熟色微紅頗甘酸倦遊錄

西瓜一名寒瓜結實如斗大而圓如匏色如青玉子如

金色或黑麻色北地多有之本草綱目契丹破回紇得此

種大如中國冬瓜而味甘五代史附錄一曰金主征西域

得之故以西名學圃餘蔬性寒北人秉壯食之無虞延壽書

本境有紅白二種紅者皮青白者內外如一採訪冊

甜瓜最盛者無踰齊趙車擔列市肆道路濃香故後人

云未至舌交先以鼻選清異錄以香而小者為第一學圃餘蔬採訪冊

草荔支叢生朱顆味甘且芳似普盤而無子畿輔通志

案今土人所稱荔支皆蔓生架上結實如卵大肉

色紅有子與通志所載異

菱

說文

俗云菱角是也

爾雅注

四角三角曰菱兩角曰菱

陸佃詩疏

菱根出水上葉沈波下一名浮根菱

洞冥記

茨雞頭也

說文

葉似荷而大葉上蹙縐如沸實有芒刺其中如米可以度飢

古今注

又名燕喙實內米白如珠久

食宜人

爾雅翼

慈姑一根歲生十二子如慈姑之乳衆子故名

羣芳譜

生

水澤中似地栗而大

通志

畿輔

蓮子荷花之實久食健脾

本草綱目

落花生昔無今有

通志

畿輔

一名長生果花落入土而成

子可取油粕餅可糞地

採訪冊

花屬

牡丹一名鼠姑一名木芍藥性宜寒畏熱喜燥惡溼得

新土則根旺向陽則性舒忌烈風炎日若種治有法

可開至七百葉面可徑尺

羣芳譜

芍藥一名白朮

本草經

一名將離有二種有草芍藥木芍

藥木者花大而色深俗呼為牡丹非也

古今注

唐宋文

人謂芍藥為婪尾春

清異錄

梅耶鄴有邯鄲宮基中有趙王之果園梅李至冬而花

述異記

案此花今

蠟梅小樹叢枝尖葉木身葉類桃而闊大堅硬花亦五

出開常半含羣芳譜本非梅種以其與梅同時而香又

近之范成大梅譜

榆葉梅葉似榆花開如紅梅故名畿輔通志

海棠有四種皆木本貼梗海棠叢生花如胭脂垂絲海

棠樹生柔枝長蒂花色淺紅又有枝梗略堅花色稍

紅者名西府海棠有生子如木瓜可食者名木瓜海

棠羣芳譜

秋海棠一名八月春草本花色粉紅甚嬌豔葉綠色有

二種葉下紅筋者為常品綠筋者有雅趣羣芳譜

迎春李時珍曰處處人家栽插之叢生高者二三尺方

莖厚葉本草綱目狀如丁香而色黃先春開故名迎春畿

輔通志

探春白色二月開在迎春後而先於丁香故名探春其

香較丁香更勝同上

丁香有紫白二色紫似棟花白似探春三月放花葩萼

相附如縷之垂氣甚香烈花譜

紫薇一名怕癢花一名猴刺脫一名百日紅四五月始

花接續可至八九月花六瓣色微紅紫縐紫色之外

有紅白二色其紫蒂藍焰者名翠薇羣芳譜北地其樹

絕大有環數夫臂者西陽雜俎



月季一名月月紅一名長春花灌生處處有之青莖長

蔓葉小於薔薇莖與葉俱有刺花有紅白及淡紅者

三色逐月一開四時不絕

羣芳譜

荷其花菡萏其實蓮其根藕

爾雅

北方人便以藕為荷亦

以蓮為荷

爾雅注

周顯德中洛州團練使郭進嘗於城

四面植柳壕中種荷後益繁茂

宋史

葵本豐而耐旱味平而無毒可備蔬茹可防荒儉可療

疾病種類甚多

羣芳譜

有冬葵戎葵菟葵向日葵黃葵

錦葵蜀葵諸種

畿輔通志

秋葵一名側金盃高六七尺葉如芙蓉六月放花大如

碗鵝黃色六瓣而側雅淡堪觀朝開午收

羣芳譜

菊本作鞠從鞠窮也花事至此而窮也

埤雅

宿根在土逐

年生芽莖有稜嫩時柔老則硬有黃白紅紫粉紅間

色淺深大小之殊

羣芳譜

江西臘似菊而小先菊而開花各色碧藍一種菊所未

有

苑西集

又一種名西番蓮秋開花深紅色瓣似蓮而

細小

採訪冊

玉簪處處有之宿根二月生苗成叢七月抽莖莖上有

細葉十餘每葉出花一朵未開時正如白玉搔頭簪

有黃白紫三種花紫者有毒

畿輔通志

長春俗呼金盞以花形也長春言耐久也羣芳譜花黃如

金盞夏秋開花通志畿輔

罌粟花俗名萬苣蓮同上一名米囊花一名御米花一名

米殼花有紅白紫三色花史一名阿芙蓉以其花色似

芙蓉而得此名本草綱目

石竹花草品纖細而青翠有單瓣千葉又有翦絨嬌豔

奪日羣芳譜一名石菊通志畿輔

水仙叢生根似蒜頭外有薄赤皮冬生葉如萱草色綠

而厚中抽一莖莖頭開花數朵大如簪頭羣芳譜

案此花根非土產而本境培者頗多

鳳仙花草莖有紅白二色花有紅紫白及雜色羣芳譜

名指甲花花揉爛能染指甲故名畿輔通志暨採訪冊

夾竹桃花五瓣長筒瓣微尖淡紅嬌豔如桃花葉狹長

類竹故名自春徂秋逐旋繼開嫵媚堪賞性喜肥宜

以肥土栽之更用肥水澆之則愈茂通志畿輔

木芙蓉一名木蓮一名拒霜山堂肆考花紅白相間八九月

間次第開謝寒而不落不結子羣芳譜

紫荊一名滿樹紅叢生春開紫花甚細碎數朵一簇花

謝即結莢子甚扁羣芳譜

木槿椴木槿櫨木槿別二名也爾雅注花朝生夕隕或呼

日及毛詩疏一名朱槿一名赤槿羣芳譜

剪春羅一名剪紅羅蔓生二月生苗高尺餘入夏開花

深紅色花六出周回如剪成茸茸可愛又有剪紅紗

花高三尺葉旋覆夏秋開花狀如石竹而稍大羣芳譜

剪秋羅一名漢宮秋色深紅花瓣分數歧八月間開同上

雁來紅純紅者名老少年紅紫黃綠相間者名錦西風

至深秋腳深紫而頂葉嬌紅羣芳譜

蝴蝶花一名鳳翼叢生橫鋪一面如鳳之翼畿輔通志又

紫蝴蝶花一名仙人掌一名烏蒲花譜

雞冠昂立如雄雞之冠故名花譜有縷絡雞冠掃帚雞冠

扇面雞冠有一朵而黃紫各半者名鴛鴦雞冠一種

最矮名壽星雞冠羣芳譜有紅黃白數種畿輔通志

金雀花叢生莖褐色高數尺有柔刺一簇數葉花生葉

旁色黃形尖開兩瓣如飛雀甚可愛羣芳譜

酴醾即今之木香一名茶蘼一種色黃似酒故加酉旁

花史藤身灌生青莖多刺一穎三葉如品字形羣芳譜

薔薇一名刺紅一名牛棘一名山棗條青而長新發時

須用架又一種名刺梅色紫而香更烈花史

茉莉一名抹麗一名草茉莉謂草本也一名粉豆花謂

其子如黑豆而中有粉也又名十樣錦花史蒸取其液

可代薔薇露羣芳譜

金錢以形似也日開而夜落花時常在於秋一名子午

花以其午開子落也又有銀錢一種格物叢話

玫瑰一名徘徊花灌生叢條有刺如薔薇花開於四月

羣芳譜有二種其一種色黃稍小於紫玫瑰遵生八牋今土

人謂之五子梅採訪冊

藤蘿一名紫藤四月生紫花其子作角畿輔通志

十姊妹藤身叢生莖青多刺又一種七姊妹體態相類

種法亦同羣芳譜

轉枝蓮一名串枝蓮粉紅色高架引之盤曲而上畿輔通志

志

蓼其類甚多皆春苗夏盛秋始花花開倍蕾而細長二

寸枝枝下垂色粉紅可觀水邊甚多羣芳譜北地高幾

丈俗呼水紅花畿輔通志

木屬

松百木之長猶公故字從公字說其葉有兩鬣五鬣七鬣

格物總論三鍼者為栝子松七鍼者為果松羣芳譜郡屬山

中及古寺中間有之採訪冊

柏櫛也爾雅鬯曰以櫛櫛柏也禮記雜注柏性堅緻有脂而香

埤雅松柏為百木長史記有一種葉扁而側生者名側柏

保定府志

槐守宮槐爾雅槐生季春更旬始規淮南子槐者虛星之精

也十月上已取子服之延年通神太清草木方

榆白粉也格物論榆卽樞也榆有十種葉皆相似皮及木

理異耳未生葉時枝條間先生榆莢似錢而小俗呼

榆錢可作羹爾雅疏

楊白楊葉圓青楊葉長移楊圓葉弱蒂微風大搖古今注

枝硬而揚起謂之楊枝弱而垂流謂之柳本草高者十

餘丈大者徑三四尺堪棟梁之任北方材木多用楊

槐榆柳是以人多種之羣芳譜

柳柔脆易生縱橫顛倒植之皆生埤雅旄澤柳生澤者楊

蒲柳可爲箭左傳所謂董澤之蒲爾雅注

桑北方有白桑甚長數寸食之甘美劉氏異苑北方桑甚可

比江東黃柑焦氏類林

椿禹貢作杗左傳作楸說文作種皆一物也保定府志有二

種菜椿香椿香者較勝芽可充蔬畿輔通志

檜柏葉松身爾雅圓柏卽刺柏所謂檜也通雅檜亦謂之栝

本草綱目

楮一曰楮桑陸機詩疏楮一名穀雄者皮班葉無極又開花

成穗不結實雌者開花結實皮白葉有極又本草楮取

其皮浸之造紙出磁州響水梁東武仕二村磁州志

梧桐櫨梧榮桐木爾雅紫花者名紫桐花如百合白花者

名白桐類穀花而不實一種油桐實可厭油一種刺

桐花側莠如掌一種蘋桐身青葉圓大而長高三四

尺即有花一種人家所植名梧桐皮白葉青子可噉

陳翥桐譜

杜即杜梨詩稱甘棠其木可接梨畿輔通志

荆木心圓荆心方爾雅七月間山家伐輒條編器盛糧

曰荆固畿輔通志

楸生山谷間與梓本同末異羣芳譜李時珍曰楸葉大而

早脫榎葉小而早秀故謂之榎本草綱目

杞柳生水旁樹如柳葉麤而白木理微赤毛詩形似樗

一名狗骨淵鑑類函

皂莢一曰雞棲子廣志李時珍曰一名烏犀一名懸刀樹

高大葉如槐葉瘦長而尖枝間多刺夏開細黃花結

實有三種一種小如猪牙一種長而肥厚多脂而黏

一種長瘦薄枯燥不黏以多脂者為佳本草綱目

竹冬生草也說文植物之中有名曰竹不剛不柔非草非

木小異空實大同節目竹雖冬積性忌殊寒竹譜莖有

節節有枝枝有節節有葉葉必三之枝必兩之根下

之枝一為雄二為雌雌者生筍本草綱目竹之品有甜竹

苦竹綠竹畿輔通志

案竹譜品類甚多不止如通志所載也

草屬

艾有家艾二種畿輔通志二月生苗成叢莖白色直上高

四五尺五月五日連莖取刈曝乾收葉以灸百病羣芳譜

藍蒨馬藍大葉冬藍也今為澱者是也兩雅疏有大小二

種刈其葉掘地為坎漬以灰水成靛以供染畿輔通志

麻蘇頌曰北人種以績布及打繩索本草綱目葉大如蓋花

黃結子如椽實刈作小束池內漚之去青皮取麻片

潔白如雪可織為毬及作梗索為農家所需雄者為

臬雌者為苴有絲麻火麻火麻又名綫麻畿輔通志今

郡城西隄外所植甚多子可取油莖名麻稽可以燃

火探訪冊

煙草本名淡巴菰葉肥大至徑尺畿輔通志春種夏花秋

日取葉切細如髮草頂嫩葉名曰蓋露食物本草瀕滏河

各村及曲周雞澤種植最多探訪冊

萱忘憂草也說文花曰宜男姪婦佩之必生男風土記苞生

莖無坳枝繁萼攢連葉四垂花初發如黃鵠嘴開則

六出有黃白紅紫麝香重葉草瓣數種羣芳譜

蕉一名甘蕉一名仙蕉畿輔通志最長大首尾稍尖鞠不

落花蕉不落葉其莖軟皮相裏外微青三年即著花

自心中抽出一莖初生大萼似倒垂菡萏有數層層

皆作瓣羣芳譜

葛蔓長緣山谷間根可食絲可織花可醒酒土人取之

違其用非編籬即束薪畿輔通志斥邱有葛後漢書郡國志葛

山林木森鬱葛藟尤多邯鄲縣志

紅藍即紅花也冬月布子於熟地春苗夏花花作棗彙

多刺花出棗上乘露採之採已復出棗中結實白顆

如小豆其花暴乾以染真紅又作臘脂本草綱目張騫得

紅藍種於西域今魏地亦種之博物志清河廣平縣出

縣志

書帶草叢生似韭而細性柔緜色翠綠鮮妍羣芳譜境內

有植之盆中者採訪冊

馬蘭生道旁似蘭而大色藍無香開紫白花畿輔通志

蘆葦同一物北人以水旁下溼生者為葦其細不及指

人家園池間所植者為蘆其幹差大深碧色者為碧

蘆丹鉛錄一名葭其花蓬蓂其筍羅生下溼處長丈許

空中皮薄可織席又一種名荻一名荻似蘆而小又



一種名蒹更細於荏而中實保定府志今郡城大隄以內

叢生最茂採訪冊

蒲有石菖蒲有水菖蒲根如竹節葉似劍鋒菖蒲花食

之延年蘇頌曰蒲黃處處有之至夏抽梗於叢中花

抱梗端本草綱目今水中生者為蒲葦可為扇可為包又

可為席根初生白脆可食又一種圓蒲無葉俗曰水

葱保定府志

茅一名青茅香茅可包藉縮酒又有黃茅可為繩索又

有芭茅芭茅叢生葉大如蒲本草綱目

萍一名水花水簾一名藻季春始生楊花入水所化無

根而浮常與水平夕生九子故名九子萍有大小二

種小者為萍大者為蘋格物鏡原

苻一名接余一名鳧葵又名水鏡草俗呼苻絲菜楚辭

謂之屏風本草綱目

藻蒼牛藻江東呼為馬藻爾雅注水草之有文者出於水

下其字從澡言自潔如澡也花史

藺莞屬也說文似莞而細可為席一名馬藺玉篇

案舊志載此草考爾雅莞苻藪注云小蒲之席也

漢書注莞今謂之葱蒲據此則藺亦蒲類也姑存

之

莠穗如狗尾羣芳譜馬餼不過稂莠莠草似稷而無實國語

注

藥屬

蓮蕊鬚一名佛座鬚花開時采取陰乾味甘澁温無毒

李時珍曰蓮鬚本草不收而其功用與蓮子同又蓮

房一名蓮蓬殼味苦澁温無毒本草綱目

木瓜李時珍曰爾雅云楸木瓜郭璞注實如小瓜酢而

可食蘇頌曰木瓜處處有之狀如柰春末開花深紅

色其實大者如瓜小者如拳氣味酸温無毒同上

薏苡仁一名回回米救荒本草蘇頌曰薏苡所在有之春生

苗莖高三四尺葉如黍葉開紅白花五六月結實青

白色李時珍曰有二種一種粘牙者尖而殼薄即薏

苡也其米白色如糯米一種圓而殼厚堅硬者即菩

提子也其米少即粳槧也本草綱目

枸杞蘇頌曰春生苗葉如石榴葉而軟薄其莖高三五

尺六七月生小紅紫花結紅實形微長如棗核其根

之皮名地骨皮同上郡城南面陰地葉長而實甘甘州

種也聰山文集

桑白皮桑根白皮出土上者殺人名醫別錄氣味甘寒無毒

本草綱目

重刊廣平府志 卷十八  
菜菔子卽蘿蔔子味辛甘平無毒李時珍曰長於利氣

生能升熟能降

同上

夏枯草一名鐵色草朱震亨曰此草夏至後卽枯蓋稟

純陽之氣得陰氣則枯故有是名味辛苦寒無毒

益母草一名益明草莖方黃麻葉如艾寸許一節節間

開花根白色味甘微辛氣溫和血行氣有助陰之功

肥澤者尤良

杏仁核兩仁者有毒氣味甘苦其用有三潤肺也消食

積也散滯氣也

金銀花一名忍冬又名金銀藤

蒲公英卽今地丁也生平澤田園中莖葉似苦苣斷之

有白汁堪生噉花如草菊而大四五月采之

地黃蘇頌曰今處處有之葉似車前上有皺文花似油

麻花而紅紫色亦有黃花者其實作房如連翹中子

甚細根如人指通黃色粗細長短不常種之甚易根

入土卽生北人謂之牛奶子陳嘉謨曰北方純陰皮

有疙疸而力大

瞿麥一名蘧麥一名石竹一名南天竺草蘇頌曰今處

處有之苗高一尺以來葉尖小青色根紫黑色形如

細蔓青花紅紫赤色七月結實作穗子頗似麥廣雅

謂之芘萎是也俱同上

車前菜苳馬烏即車前爾雅注一名地衣一名車輪菜羣芳

譜此草好生道邊及牛馬跡中故有車前當道馬烏

牛遺之名陸機詩疏子能利小便而不走氣與茯苓同功

王好古湯液

蒺藜爾雅茨也郭璞云布地蔓生細葉子有三角刺人

爾雅注寇宗奭曰有二種一種杜蒺藜即今之道旁布

地而生者開小黃花結芒刺一種白蒺藜內子大如

黍粒補腎藥今人多用風家惟用刺蒺藜本草綱目

穀精草穀田餘氣所生故名蘇頌曰處處有之春生於

穀田中葉莖俱青根花並白色氣味辛溫無毒同上

蛇牀子爾雅曰虺牀廣雅曰馬牀李時珍曰蛇虺喜臥

於下食其子故有蛇牀蛇粟諸名韓保昇曰葉似小

葉芎藭花白子如黍粒黃白色生下溼地同上

防風生沙苑川澤及邯鄲二月十月采根曝乾名醫別錄防

者御也其功療風最要故名本草綱目

菟絲子一名菟縷又名菟蘂名醫別錄唐也蒙也女蘿也菟

絲也一物而四名爾雅注疏蘇頌曰今近道亦有之夏生

苗初如細絲遍地不能自起得地草梗則纏繞而生

其根漸絕於地而寄空中李時珍曰結實如粃豆而

細色黃生於梗上尤佳

本草綱目

牽牛子此藥始出田野人牽牛謝藥故以名焉近人隱其名爲黑丑白丑以丑屬牛也蘇頌曰處處有之二月種子三月生苗作藤蔓繞籬牆高者二三丈其葉青有三尖角七月生花微紅帶碧色似鼓子花而大八月結實外有白皮裹作毬每毬內有子四五枚大如蕎麥有三稜有黑白二種九月收之同上

香附莎香根也葉如老韭而硬光澤有劍脊稜中空端

出數葉開青花成穗

羣芳譜

栝樓一曰瓜蒌其根卽天花粉也詩果臝之實是也蘇

頌曰所在有之三四月生苗引藤蔓葉如甜瓜葉而窄又有細毛七月開花似壺蘆花淺黃色結實在花下大如拳生青至九月熟赤黃色其形有正圓者有

銳而長者功用皆同

同上

羊躑根一名牛舌菜又名敗毒菜同上詩言采其蘧陸機

云蘧卽蓄字今之羊躑也

陸機詩疏

朱震亨曰羊躑根屬

水走血分

本草補遺

地錦一名地朕三月采之

名醫別錄

李時珍曰赤莖布地故

曰地錦專治血病故俗稱爲血竭

本草綱目

蓖麻子蘇恭曰此人間所種者葉似大麻葉而甚大結

子如牛蟬李時珍曰每枝結實數十顆上有刺攢簇如蠟毛而輒三四子合成一顆枯時劈開狀如巴豆殼內有子大如豆殼有班點狀如牛蟬再去班殼中有仁白如續隨子仁有油可作印色及油紙子無刺者良有刺者毒同

薄荷蘇恭曰人家種之亦堪生食一種蔓生者功用相

似同二月宿根生苗方莖赤色葉對生羣芳譜

半夏禮記月令五月半夏生蓋當夏之半也蘇頌曰處處有之二月生苗莖端三葉淺綠色頗似竹葉五月

八日采根本草綱目

赤芫一名去水又名頭痛花根生邯鄲二月生葉青色

加厚則黑華有紫赤白三色實落盡葉乃生三月采

花五月采葉八九月采根陰乾同上

紫苑生真定邯鄲千金翼方三月生苗五六月開花有黃白

紫數種羣芳譜

旱蓮草卽連翹有二種一種似椿實之未開者氣甚芳馥纔乾振之皆落一種如蒿蒼無香氣乾之雖久亦

著莖不脫本草綱目

白芥子一名胡芥子粗大白色如梁米甚辛美從戎中來李時珍曰處處可種此菜雖是芥類迥然別種也

然入藥勝於芥子同上

米殼卽罌粟皮也氣味酸澆微寒無毒李時珍曰得醋

烏梅橘皮良收斂固氣能入腎同上

天仙子一名葦蓉一作藺蕩其子服之令人狂蕩發浪

故名又名橫唐行唐同上

地膚子一名落帚一名千頭子卽今之掃帚也其子可

入藥同上

貨屬

棉一名吉貝春月以子種葉似牡丹而小花黃如秋葵  
而葉單不貴高長枝最喜繁茂結實三稜青皮尖頂

纍纍如桃北人呼爲花桃桃熟則桃裂而絨現如鵝

毳較諸絲纒不無少遜然用以絮衣甚輕暖子如珠

可以打油油之滓可以糞地稽甚堅堪燒葉堪飼牛

其爲利益甚溥廣羣芳譜宜沙土高地磁州志永年之臨洛

關邯鄲之蘇曹二鎮花店尤多山西山東二省商販

來此購運近亦漸稀採訪冊

按棉花有木棉草棉二種木棉出交廣樹大如抱

花如山茶實大如拳中有棉如鵝毳抽其緒紡爲

布南史所謂古貝也草棉卽廣羣芳譜所述郡境

植者最多俗曰棉花南史所謂白疊也原出高昌

國一名古終一名吉貝其花有紫黃白三色乾隆年間總督方恪敏公製棉花圖俞正燮有木棉考所述尤詳

布貝州土貢布太平寰宇記布布也布列衆縷如經以緯橫

成之也釋名有粗布細布紫花布一物異名而販於山

西潞安等處及北口外者尤多採訪冊

靛有大小藍兩種水漬加石灰撻成爲靛郡屬俱有種者染房用之獲利頗厚同上

席以蘆爲之曰葦席以蒲爲之曰蒲席同上

紙清河濱河人多造紙爲業頗佳畿輔通志磁州西有紙

房村以造紙得名然多毛頭紙草紙採訪冊舊

瓷器磁州土產磁石磁毛太平寰宇記彭城鎮燒造缸甕缶

盆盃餅諸種有黃綠翠白黑各色然質厚而粗只可供市肆莊農之用磁州志

案新唐書地理志宋史地理志磁州貢磁石本草綱目曰磁石出磁州者佳能吸鐵據此則磁石乃山石也

煤產於磁州者曰炭燒之煙多產於邯鄲者爲煤凝爲塊者曰炸子碎者曰末煤以水和土燒之由滏河舟運販東北各州縣採訪冊



炭北方深谷中多以燒炭為業上契丹事取山中之木以火

燒之以水滅之而存其性磁州出郡城所需多購於

順德沙河等處採訪冊

酒百藥之長漢書食貨志洛州玉瑞堂夸白堂又玉友磁州

風麴法酒酒名邯鄲酒務頭亦以釀酒得名邯鄲志

案郡境民間所用者曰白酒亦曰燒酒皆販自山

西紹酒販自南省均非土產本境所出者惟以黍

釀之黃酒而已

油有數種芝蔴所出者曰香油調味用之棉花子所出

者曰燈油燃燈用之不可食落花生所出者曰白油

又有菜油豆油麻油均不及芝蔴之味美採訪冊

白堊一曰白善生邯鄲山谷千金翼方

白土細滑膏潤可以塗飾兼用濯錦可致鮮潔隋圖經今

境內所產者可以洗垢起油採訪冊

皮硝清河城西北地多斥鹵不產五穀貧民多淋皮硝

以贍朝夕清河縣志

案隋圖經清河絹為天下第一新唐書地理志洛

州土貢絕綿綢油衣磁州土貢紗磁石貝州土貢

絹氈覆鞍氈宋史地理志洛州貢綢貝州貢絹白

氈太平寰宇記洛州土產平綢絕子油衣人蓆絹

貝州土產白氈靴氈文獻通考清河郡貢氈十領  
元豐九域志清河土貢白氈十領洺州土貢平綢  
二十疋磁州土貢磁石十斤今蠶桑不講畜牧亦  
少昔時所貢者今非土產矣故弗錄

禽屬

雞知時畜也雞稽也能考時也玉衡星散為雞春秋運斗樞

有五德故曰德禽韓非子

鴨舒鳧也說文鴨鳴呶呶自呼其名鳧能高飛而鴨舒緩

不飛故曰舒鳧禽經

鵝一名舒雁事原鳴鵝也長脰善鳴說文鵝鳴則蚻沉養之

園林則蛇遠徙去夜鳴應更鼓又聞聲即號可以守  
夜行有班列故聘禮用之禽經

燕即元鳥月令二月元鳥至色黑故稱烏衣客唐人謂

烏衣至自華胥國有二種紅襟聲大者越燕斑襟聲

小者北燕春社來秋社去為巢避戊己鳥說越燕多巢

堂室中胡燕多在檐下作巢埤雅

鴿性喜合凡鳥雄乘雌惟鴿雌乘雄逐月有子又名鴿

鴿埤雅

鵲陽鳥先物而動先事而應能制蝟鳴木上蝟伏不能  
動季冬始巢門背太歲向太乙知來歲風多巢必卑

下易一名喜鵲一名乾鵲本草綱目

烏孝鳥也說文小而純黑小嘴反哺者慈鳥也似慈鳥而

大嘴腹下白不反哺者雅鳥也似雅鳥而大白頂者

燕鳥也似雅鳥而小赤嘴穴居者山鳥也本草綱目鳥亦

名雅其名自呼毛詩名物解雅之啞啞鵲老嗜嗜淮南子白

頸者名寒鴉通志烏鴉即大嘴鴉禽經

鶉田鼠化為鶉淮南子月令蝦蟇得瓜化為鶉萬畢術

雄者足高雌者足卑本草鶉與鶉兩物也形狀相似但

黑色無斑者謂之鶉今土人總稱之為鶉鶉通志幾輔

一作鶉鶉舊志

鳩拙者莫如鳩不能為巢禽經鳩能聚陽氣詩箋邯鄲之人

以正月之旦獻鳩於簡子簡子大悅厚賞之列子今布

穀即鳴鳩播種時鳴斑鳩祝鳩食不噎噎故老人杖

刻之鶉為爽鳩鳩名甚多因其聲之似而呼之如俗

呼阿公阿婆割麥插禾脫卻布褲之類經說

黎雞勤鳥也說文黎明即鳴其音隱約如長工打水四字

喚人早汲也猶雞之報曉故稱雞色青黑故稱黎雞

格物總論

雀依人小鳥也一名家賓古今注瓦雀在堂檐間也老而

斑曰麻雀通雅小而黃者為黃雀本草綱目邯鄲之民以正

月旦獻雀於趙王而綴以五采孔叢子

啄木鴛也鴛志在木經禽口如長錐常啄木食蟲兩雅注此

鳥有大有小有褐色有斑褐者是雌斑者是雄異物志

大如鵲青黑色頭上有紅毛者為山啄木本草綱目

鶯黃鸝也或謂之黃栗留自關而東謂之倉庚幽州人

謂之黃鶯當甚熟時來鳴桑間應節趨時之鳥蟲魚草木

鳥獸疏

鶯春糶爾雅一名鶯絲禽經李時珍曰林棲木食羣飛成序

潔白如雪頸細而長本草綱目俗名魚鷹舊志又有名信天

緣形類鵠色蒼長立水際終不易地魚過則食之畿

輔通志

鷓鴣一名水老鴉處處水鄉有之似鵠而小色黑如鴉

而長啄微曲善沒水取魚本草綱目

洶河一名鷓鴣水鳥之羣飛者腹下有胡如囊畿輔通志

遇水澤即以胡盛水辱涸取魚食故名本草綱目

葦渣水鳥在葦叢中鳴其音渣渣故以呼之又有孤汀

形如油葫蘆首上毛白亦水鳥也舊志兼採訪冊

鳧野鴨為鳧尸子狀如鴨而小白青色肥而耐寒蟲魚草木鳥獸

疏一名油葫蘆畿輔通志俗名水鴨舊志

桑鳧一名蠟嘴其嘴黃白如蠟亦喜鳴畿輔通志

鳴李時珍曰似鷹而稍小其尾如舵極善高翔專捉雞

雀

本草綱目

俗名惡老鵬

採訪冊

鴉陳藏器曰卽梟鳥也一名鵬惡聲鳥也李時珍曰如

雞有斑文目如貓目好食桑椹

同上

案鴟鴞多合爲一物考本草綱目形狀絕不相似

今分爲二

蝙蝠伏翼也一名仙鼠一名夜燕日伏夜飛好食蚊蚋

處處有之

本草綱目

案舊志鳥類列灰鶴紅鶴雁鷹兔虎鸛脊鴿均非

土產亦非常有之物紅料麻料皆是俗名無可稽

考茲不備錄

獸屬

馬怒也武也其字象頭髦尾足之形牡馬曰騊牝馬曰

駟一歲曰騊二歲曰駒三歲曰駢四歲曰駮

說文

馬應

月故十二月而生其年以齒別之稟火氣而生火不

能生木故有肝無膽

本草綱目

冀之北土馬牧之所蕃庶

故天苑之象存焉

唐書天文志

牛件也牛爲大牲件事理也象角頭三封尾之形

說文

李

時珍曰牛耳聾其聽以鼻其眼豎而不橫其齒有下

無上其聲曰牟

本草綱目

北方其地多牛羊

淮南子天文訓

羊祥也從𠂔象頭角足尾之形孔子曰牛羊之字以形

舉也說文一名長髯主薄古今注羊性善羣故於文羊為

羣名物解

犬生三獫二師一獯爾雅家獸也田犬善獵家犬善守爾雅

注犬狗之有縣蹄者也狗叩也叩氣犬以守孔子曰

視犬之字如畫狗也說文長喙曰獫短喙曰獯高四尺

曰獯本草綱目今通謂之狗採訪冊

騾馬也廣韻同羸正韻驢父馬母說文李時珍曰騾大於驢而

健於馬其力在腰其後有鎖骨故不孳乳其類有五

本草綱目

驢似馬耳長說文李時珍曰驢驢也驢腹前也馬力在膊

驢力在臚夜鳴應更惟善馱負本草綱目

豕彘也竭其尾故謂之豕象毛足而後有尾讀與豨同

說文豬豨之總名玉篇牡曰豨牝曰豨去勢曰豨豕子曰

豚曰彘生燕冀者皮厚本草綱目一名長喙參軍古今注今

通謂之豬採訪冊

貓一名家豹鼠害田而貓捕之故字從苗埤雅有黃黑白

駁數色以尾長腰短目如金銀者為良或云其睛可

定時本草綱目

狐孤也狐性疑疑則不能合類故其字從孤埤雅形似小

黃狗鼻尖尾大北方最多有黃黑白三種白色者猶

稀尾有白錢文者佳本草綱目

兔曰明眊禮記兔舐雄毫而孕五月生子王充論衡兔子曰婉

說文兔以瞭為髓髓以旱為兔王延相雅述清河郡貢兔皮

以為筆材唐書

鼠六蟲之黠者其種類最多好自播弄其鬚性疑出穴

多不果故持兩端者謂之首鼠說文季春田鼠化為鴛

禮月令八月鴛化為鼠夏小正其壽最長故俗稱為老鼠

本草綱目

鼯鼠一名黃鼠狼一名地猴此物健於捕鼠及禽畜又

能制蛇虺同上一名夜猴能嗅知黃鼠穴知其有無有

則入嚙其鼻而出菽園雜記

狼似犬銳頭白頰高前廣後說文青色善逐獸作聲諸竅

皆沸惡獸也埤雅狼豺屬也北方猶多本草綱目

麋一名麇蘇頌曰今陂澤淺草中多有之其類甚多麇

乃總名也李時珍曰似鹿而小無角黃黑色同上磁州

山中間有之採訪冊

蝟俗呼刺鼠穴地而居處處有之畿輔通志蝟皮治胃逆

開胃氣有功此獸人犯之便藏頭足毛刺人不可得

本名彙本草綱目彙毛刺爾雅

案舊志蝟在蟲屬考爾雅釋獸彙古狷字俗作蝟  
說文篆形似鼠蓋鼠類也今移於此又舊志有貍  
鼠今查無此鼠名姑從略

水屬

鯉出漳滏中肥而味亦美

畿輔通志

鱗有十字文理故名

鯉其脇鱗一道從頭至尾無大無小皆三十六鱗每

鱗有小黑點諸魚惟此最佳

本草綱目

鱧魚本名鱣好羣行相與也故曰鱣相連也故曰鱧魚

之美者曰鱣

同上

鯽一名鮒魚形似小鯉色黑同上鯽魚族行以相即也故

謂之鯽以相附也故謂之鮒

埤雅

鮎一名鯢魚一名鰓魚

爾雅注

鰓背青而口小者名鮎

本草

綱目

魴俗呼為鰕廣而薄少力細鱗魚之美者

蟲魚草木鳥獸疏

其

狀方其身扁處處有之

本草綱目

案舊志魴鰕分為二物今不從

鱧一名鮓魚又呼為黑魚身圓而文黑頭背向南故人

取其血以作定南鍼夜則必朝北斗故又名七星魚

切忌與荊花同食食則必死

本草綱目

鱣似蛇無鱗體有涎沫夏月於淺水作窟

爾雅注

有青黃



二色生水岸泥窟中一名黃鮠又一種白鱠名鰻鱺

魚本草綱目

鱮俗名泥鱮性酋健好動故名銳首肉身青黑色無鱗

滑疾難捉與他魚相牝牡本草綱目

鱮魚一名白條長僅數寸形狹而扁狀如柳葉同

黃鮠魚一名黃骨魚腸肥曰鮠此魚腸腹多脂狀如白

魚而頭尾不昂扁身細鱗同上

鰕魚屬字從魚蝦墓之蝦從蟲格物論蝗化為鰕藝文類聚稻

花變成多在田泥中者名苗鰕爾雅翼今郡城池內產

者頗多採訪冊

蚌蜃屬文說蚌與蛤同類而異形長者通曰蚌圓者通曰

蛤故蚌從丰蛤從合皆象形也本草綱目郡境水中所產

形多微小即扁螺也採訪冊

螺本作贏小者曰蝸廣韻海文螺大者受一斗南人以爲

酒杯廣志郡境小者有之採訪冊

蝸贏一名螺螄形似蝸牛生溪水中此物隨土泥入壁

中數年猶活又一種田贏生水田中其殼旋其肉視

月盈虧本草綱目

鼈甲屬也水居陸生無耳以目聽俗呼團魚其行蹩蹩

故謂之鼈本草綱目鼈卵生形圓脊穹四周有裙爾雅注今

郡城東北黑龍潭中最多採訪冊

蛙俗名田雞一名青雞一名蠖蠃蛙色青腹細善躍大

其聲則曰蛙小其聲則曰蛤本草綱目蝦蟇子一名蚪斗

古今注蛙青色長股蟄大腹短腳漢武帝元鼎五年秋

蛙與蝦蟇俱鬪可見是二物談乘

蟲屬

蠶吐絲蟲也說文有大小白烏斑色之異屬陽喜燥惡溼

食而不飲三眠三起二十七日而老自卵出而為蚰

自蚰蛻而為蠶蠶而繭繭而蛹蛹而蛾蛾而卵卵而

復蚰亦有胎生者與母同老蓋神蟲也本草綱目

蜂即蠶飛蟲螫人者說文土蜂木蜂果羸蒲盧即細腰蜂

爾雅注蜂垂尾故謂之蜂有禮範故一名蜚有三種一

種在林木或土穴中作房為野蜂一種人家以器收

養者為家蜂並小而微黃一種在山巖高峻處作房

即石蜜也本草綱目土人稱小者為蜜蜂長而細腰者為

馬蜂大而短粗黑色者為瓢瓢蜂即廣雅之胡蜂方

言之壺蠶名醫別錄之黃蜂也採訪冊

蠅蛺蝶也說文一名野蛾一名風蛾有大如蝙蝠者古今注

俗名蝴蝶蛾類也大曰蝶小曰蛾其種甚繁皆四翅

有粉好嗅花香以鬚代鼻本草綱目一名春駒一名鳳子

格物論

蟬數種蝟蟪蛄寒蟬並蟬也格物論蟬者蟻蝮所轉久

而化成其殼蛻格物志飲而不食三十日而蛻蜉蝣不

食不飲三日而化淮南子鳴則天涼故謂之寒蟬蔡邕月令

蜘蛛爾雅作蠶龜其類極多土蠶蠶草蠶蠶蟪蝟長踦

懸網如魚罾者亦名咄蠪本草綱目趙魏之間或謂之蚘

蚘方言又一種扁薄作幕貼壁間北人呼為壁爾又蠪

蚘亦名長腳此蟲來著人衣則有喜小化書故呼長腳

者為蟪子爾雅注

蜻蜓本名蜻蛉名醫別錄負勞也爾雅大而色青者曰蜻蜓小

而黃者名胡黎小而赤者名赤卒古今注此物生於水

中故多飛水上其類眼皆大本草衍義

螳螂一名石螂其子名螳螂深秋孔子至夏初乃

生爾雅注仲夏之月螳螂生禮月令世謂之天馬淮南子

名蚘父說文

蟋蟀說文即促織一名蛩當授衣之先鳴以紡織負喧雜錄

似蝗而小正黑有光澤如漆有翅及角善跳好鬪立

秋後則夜鳴蟲魚草木鳥獸疏

絡緯一名莎雞六月莎雞振羽又名促寒娘格物論蟲綠

色木也秋為金金木相軋以為聲以兩股擊翼而鳴

蠡海 其聲聒聒故名之曰聒聒兒 帝京景物略 今俗呼為

蚰子 採訪冊

螢一名夜光一名熠燿一名景天一名燐 格物論 腐草為

之食蚊蚋焉 古今注 腐草得暑溼之氣故化為螢 禮月令注

蠓蛭在草曰 蜥蜴在壁曰 蠓蛭一曰 蟻蛭說文 一名守宮

俗謂之蝎虎 格物論

蛇毒蟲也古作它俗作虵篆文象其宛轉屈曲之形有

青黃赤白黑斑諸色 本草綱目

蠹毒蟲也或從蠹 說文 蠹蠹有毒蠹長尾謂之蠹 左傳注

北方火蠹極小而其毒更酷 癸辛雜識

蜈蚣一名百足蟲中斷其頭尾各異行而去 博物志 廣雅

曰螂蛆蜈蚣性能制蛇 毛詩名物解 又蚰蛭狀如蜈蚣而

長大者如釵股 本草綱目

蚯蚓一名土龍一名蜿蟺一名曲蟺 古今注 爾雅謂之蠹

蟻蚓之行也引而後申其壠如邱故名 本草綱目 無爪牙

之利筋脈之強上食埃土下飲黃泉用心一也 大戴禮

蟻生糞土中食草木根口剛身軟白在糞土名蟻蟻在

木中名蟻蟻 爾雅注

蝸牛一名土牛兒此卽負殼蝸蚰也有角如牛故名爾

雅謂之蚶羸莊子所謂戰於蝸角是矣 本草綱目

蠶一名土鼈

名醫別錄

今人呼為篋箕蟲亦形似也

本草衍義

蠃蚍蜉也其子曰蚺

說文

蛾子時術之蛾音蟻蚺蚺也

禮學

記蟻知時雨

博物志

蟻封戶穴大雨將集

易林

蠅青蠅善亂色蒼蠅善亂聲或曰大麻蠅茅根所化也

蠅好搖翅又好交其前足有絞蠅之象故繩字從蠅

雅卑

蚊本作蠱齧人飛蟲也字或從昏以昏時出也

說文性惡

煙以艾葉薰之則潰

雅卑

又一種齧人無聲者俗呼白

翎

採訪冊

蚤蝗也

說文

李時珍曰此有數種蟲蚤總名也其瘦長善

跳者呼為蚱蜢

本草綱目

其類乳於土中深埋其卵至夏

始出

蔡邕月令

鰲白魚

爾雅

衣書中蟲一名蚶魚

爾雅注

即蠹魚也又名衣

魚一名壁魚形稍似魚其尾又分二歧故得魚名

本草

綱目

斑蝥一名斑貓大豆葉上甲蟲也大如巴豆甲上有黃

黑斑點其毒如矛刺也故名斑蝥

同上



